

al-Amin



Sifat AMANAH pula merangkumi integriti dan akauntabiliti dalam menjalankan tugas. Dari segi istilah "amanah" bermaksud boleh dipercayai dalam segala hal yang dipertanggung jawabkan kepada seseorang, baik hak-hak itu milik Allah maupun hak hamba, baik yang berupa benda, pekerjaan, perkataan, ataupun kepercayaan hati. Sifat-sifat ini bukan sahaja dituntut dalam Islam malah memerlukan keteguhan iman dalam mendepani sebarang kemungkinan yang boleh menyebabkan seseorang itu tersasar daripada memikul tanggungjawabnya. Allah SWT telah berfirman tentang pengertian amanah dan anjuran dan keharusan berperilaku dan bersifat amanah dalam surat An-Nisa' (4) ayat 58:

"Sungguh, Allah menyuruhmu menyampaikan amanat atau amanah kepada yang berhak menerimanya...."

Demikian juga Sabda Nabi Muhammad Rasulullah SAW tentang amanah yang ertiinya:

"Tidak ada iman yang sempurna bagi orang yang tidak memiliki sifat amanah, dan tidak ada agama yang sempurna bagi orang yang tidak menepati janji"

(Hadith Riwayat Ahmad)

Akauntabiliti

"Di antara orang-orang yang beriman itu ada orang-orang yang bersikap benar menuaikan apa yang telah dijanjikannya kepada Allah (untuk berjuang membela Islam), maka di antara mereka ada yang telah selesai menjalankan janjinya itu (lalu gugur syahid), dan di antaranya ada yang menunggu giliran, dan mereka pula tidak mengubah (apa yang mereka janjikan itu) sedikit pun. (Berlakunya yang demikian) supaya Allah membala orang-orang yang benar disebabkan kebenaran mereka, dan menyeka orang-orang munafik jika ia kehendaki, atau ia menerima taubat mereka. Sesungguhnya Allah adalah amat pengampun, lagi amat mengasihani."

(Al-Quran. Surah al-Ahzab: 23-24)

Integriti

"Sesungguhnya Allah menyuruh kamu menyampaikan amanat kepada yang berhak menerimanya, dan (menyuruh kamu) apabila menetapkan hukum di antara manusia supaya kamu menetapkan dengan adil. Sesungguhnya Allah memberi pengajaran yang sebaik-baiknya kepadamu. Sesungguhnya Allah adalah Maha Mendengar lagi Maha Melihat."

(Al-Quran. Surah an-Nisa': 58)



Sifat MUAFAKAT pula mencerminkan wujudnya kerjasama dan semangat berpasukan dalam sebuah organisasi. Sifat muafakat dan kerjasama ini penting dalam organisasi serta menyumbang kepada persefahaman antara staf dan organisasi yang boleh memberi nilai tambah kepada organisasi. Segala masalah perlu diselesaikan secara muafakat kerana muafakat membawa berkat. Muafakat yang ingin dibina di USIM adalah yang berteraskan konsep syura. Ini bertepatan dengan Hadith Rasulullah SAW:

"Perumpamaan kaum mukmin dalam kasih sayang dan belas kasih serta cinta adalah seperti satu tubuh. Jika satu bahagian anggota tubuh sakit maka akan merasa sakit seluruh tubuh dengan tidak boleh tidur dan merasa demam."

(Hadith Riwayat Bukhari dan Muslim)

Syura

"Dan (bagi) orang-orang yang menerima (mematuhi) seruan Tuhan mereka dan mendirikan solat, sedang urusan mereka (diputuskan) dengan musyawarah antara mereka; dan mereka menafkahkan sebahagian dari rezeki yang Kami berikan kepada mereka."

(Al-Quran. Surah as-Syura: 38)

Kerja berpasukan

"Dan berpeganglah kamu semuanya kepada tali (agama) Allah, dan janganlah kamu bercerai berai, dan ingatlah akan nikmat Allah kepadamu ketika kamu dahulu (masa Jahiliyah) bermusuhib-musuh, maka Allah mempersatukan hatimu, lalu menjadilah kamu karena nikmat Allah, orang-orang yang bersaudara; dan kamu telah berada di tepi jurang neraka, lalu Allah menyelamatkan kamu dari padanya. Demikianlah Allah menerangkan ayat-ayat-Nya kepadamu, agar kamu mendapat petunjuk."

(Al-Quran. Surah Al-Imran: 103)

"Hendaklah kamu adakan kerapatan dengan orang-orang yang beriman, dan adakanlah permusyawaratan di antara kamu dan janganlah kamu memutuskan dengan fikiran sendiri."

(Hadith Riwayat Imam Ibn Abdil Barr)

NILAI-NILAI TERAS USIM



PENGENALAN

Dalam usaha USIM untuk menerajui dan mempelopori integrasi ilmu Naqli dan Aqli di rantau ini, adalah satu keperluan bagi USIM untuk berusaha ke arah mendapat pensijilan MS ISO1900:2014, iaitu Sistem Pengurusan Kualiti yang berteraskan Syariah. Di antara keperluan pensijilan tersebut adalah penetapan Nilai-nilai Teras yang perlu dijadikan pedoman dan rujukan bagi seluruh warga USIM.

Pada Mesyuarat Jawatankuasa Pengurusan Universiti Bil. 31/2016 bertarikh 4 November 2016, telah bersetuju konsep Al-Qawiyy Al-Amin dijadikan sebagai Nilai Teras USIM berasaskan surah al-Qasas, ayat 26 yang bermaksud:

“Sesungguhnya orang yang paling baik untuk engku berikan kerja ialah orang yang kuat (Al-Qawiyy) lagi amanah (Al-Amin).”

Nilai-nilai Teras USIM ini disasarkan menjadi budaya semua warga kampus USIM yang merangkumi pelajar, staf sokongan, staf akademik, staf pentadbiran dan pihak pengurusan tertinggi untuk memperkasakan ‘kualiti’ di USIM bermula dari pembentukan sikap melalui penerapan nilai-nilai murni, beretika dan profesional. Terdapat lima elemen penting dalam Nilai Teras USIM iaitu:

- Pertama: Profesional;
- Kedua: Efisyen;
- Ketiga: Alamiyyah (Global);
- Keempat: Amanah; dan
- Kelima: Muafakat.

al-Qawiyy



PROFESSIONAL walaupun mempunyai pelbagai takrifan, namun dalam Islam adalah lebih berkaitan dengan soal moral dan budaya. Nilai-nilai yang menggambarkan profesionalisme dalam konteks USIM mencakupi nilai-nilai disiplin, hormat-menghormati, berdisiplin dan berilmu. Allah SWT telah berfirman:

“Barangsiapa yang mengerjakan amal soleh, baik laki-laki maupun perempuan dalam keadaan beriman, maka sesungguhnya akan Kami berikan kepadanya kehidupan yang baik dan sesungguhnya akan Kami beri balasan kepada mereka dengan pahala yang lebih baik dari apa yang telah mereka kerjakan.”

(Al-Quran. Surah an-Nahl: 97)

“Sesungguhnya orang-orang yang beriman dan melakukan pekerjaan yang baik, mereka itu adalah sebaik-baik makhluk.”

(Al-Quran. Surah al-Bayyinah: 7)

Hormat menghormati / Respek

“Tidak sempurna iman seseorang itu, sehingga dia mengasihi saudaranya, sebagaimana dia mengasihi dirinya sendiri”.

(Hadith Riwayat Muslim)

Berdisiplin

“Sesungguhnya barangsiapa di antara kalian yang tetap hidup, nescaya akan menyaksikan banyak perselisihan. Maka, berpegang teguhlah kalian dengan sunnahku dan sunnah khulafa’ur rasyidin yang memperoleh petunjuk dan berilmu. Gigitlah sunnah tersebut dengan gigi geraham kalian, serta berhati-hatilah terhadap perkara-perkara baru yang dibuat-buat.”

(Hadith Riwayat Abu Daud, at-Tirmidzi dan Ibnu Majah)

Berilmu

“Belajarlah ilmu, belajarlah ilmu untuk ilmu dan tunduk patuhlah kepada orang yang kamu belajar ilmu dari mereka.”

(Hadith Riwayat at-Thabranî)



Nilai EFISYEN dalam kerja pula amat penting dalam memacu kualiti USIM ke tahap yang lebih tinggi. Ia juga berkaitan dengan usaha untuk meminimakan penggunaan sumber dalam menghasilkan sesuatu yang bermutu melalui kualiti kerja yang cemerlang serta proses membuat keputusan dengan pantas atau bertindak segera. Efisyen juga perlu menyerahkan hasil kerja inovatif dan kreatif serta menghasilkan keputusan yang tepat dan menepati masa yang ditetapkan.

Sabda Rasulullah SAW:

“Bahaha Allah suka apabila seseorang daripada kamu membuat sesuatu kerja dengan memperelokkan kerjanya.”

(Hadis Riwayat Muslim)

Kualiti kerja

“Sesungguhnya Allah sangat suka bahkan cinta jika seseorang daripada kamu apabila melakukan kerja maka dia bekerja dengan tekun.”

(Hadith Riwayat Baihaqi)

Menghargai masa

“Demi Masa! Sesungguhnya manusia itu dalam kerugian, kecuali orang-orang yang beriman dan beramal shalih, dan mereka pula berpesan-pesan dengan kebenaran serta berpesan-pesan dengan kesabaran”.

(Al-Quran. Surah al-‘Asr: 1-3)

Inovatif dan kreatif

“Sesungguhnya Allah tidak merubah keadaan sesuatu kaum sehingga mereka merubah keadaan yang ada pada diri mereka sendiri.”

(Al-Quran. Surah ar-Ra’du: 11)



ALAMIYYAH (GLOBAL) memberi gambaran kesediaan USIM dan warganya untuk meneroka pelbagai bidang di peringkat yang lebih jauh dan terkehadapan. Bersifat Alamiyyah (Global) merangkumi kemampuan multilingual (kepelbagaian bahasa), kebolehan multicultural (kepelbagaian budaya) dan bersifat sentiasa terkehadapan serta mampu menerajui perubahan. Sifat Alamiyyah ini bertepatan dengan Firman Allah SWT:

“Kamu adalah umat yang terbaik yang dilahirkan untuk manusia, menyuruh kepada yang ma’ruf, dan mencegah dari yang munkar, dan beriman kepada Allah.”

(Al-Quran. Surah Ali Imran: 110)

“Dan demikian pula Kami telah menjadikan kamu (umat Islam), umat pertengahan agar kamu menjadi saksi atas (perbuatan) seluruh umat manusia dan supaya rasul (Muhammad) menjadi saksi atas (perbuatan) kamu.”

(Al-Quran. Surah Al-Baqarah: 143)

Multilingual (Kepelbagaian bahasa)

“Dan diantara tanda-tanda kekuasaanNya ialah menciptakan langit dan bumi dan berlainan bahasamu dan warna kulitmu. Sesungguhnya pada yang demikian itu benar-benar terdapat tanda-tanda bagi orang-orang yang mengetahui.”

(Al-Quran. Surah Ar-Rum: 22)

Multicultural (Kepelbagaian budaya)

“Wahai manusia, sesungguhnya Kami menciptakanmu daripada lelaki dan perempuan dan menjadikanmu berbangsa-bangsa dan bersuku-suku, supaya kamu saling kenal-mengenal. Sesungguhnya orang yang paling mulia diantaramu di sisi Allah ialah orang yang paling takwa diantaramu. Sesungguhnya Allah Maha Mengetahui lagi Maha Mengenali”.

(Al-Quran. Surah al-Hujurat: 13)

Terkehadapan dan menerajui

“Kamu adalah umat yang terbaik yang dilahirkan untuk manusia, menyuruh kepada ma’ruf, dan mencegah dari yang munkar, dan beriman kepada Allah. Sekiranya ahli kitab beriman, tentulah itu lebih baik bagi mereka; diantara mereka ada yang beriman, dan kebanyakan mereka adalah orang-orang yang fasik.”

(Al-Quran. Surah ali Imran: 110)